



*Illustrissimo Viro D.  
Ludovico Dionis,  
Equiti, Consiliario Regis,  
Roi Navalis, in Portu Nivnetensi,  
Ordinatori Præposito,  
Avunculo Suo Dedicat.  
C. Dionis, B. M.*

## QUÆSTIO MEDICA,

*QUOD LIBETARIIS DISPUTATIONIBUS  
manè discutienda, in Scholis Medicorum, die Jovis vigesima-prima  
Februarii, anni M. DCC. XXXVII.*

M. JOANNE-DAMIANO CHEVALIER,  
Pharmaciae Professore, Doctore Medico, Præside.

*An à diversâ causâ moveantur cerebrum, & dura meninx?*

I.



AGNARUM exigua rerum initia! Quod nunc est centenarum  
aliquot librarum animale corpus, vix lensile punctum saliens,  
seu cor fuit. Arteriae, cordis soboles, totius machinae rudimen-  
ta & complementum. Quae caput scandunt cerebrum formant  
& cerebellum: ab utroque nervi, à nervis membranæ, à mem-  
branis musculi, cartilagines, ossa; inter membranas olim prin-  
ceps dura mater, nunc musculus audit membranaceus. (a) Triplici fibrarum

(a) Pacchianus disert. epistolari ad Fontenon. Ad Academicos Bononienses. Matthaei Dezzani ad Pacchianum &  
Bagivini dissertatione variis argumentis c. 2. & passim alibi.

strato constat ex recentioribus. (a) Primum proximum cerebro, diversis fibrarum ordinibus intextitur: medium contrario fibrarum tramite priores interfecat: extremum ex subiectis stratis enascentes papillæ constituunt: hoc reticulare est, unde crassioris meningis externa superficies asperior: Interna lavis est, mollis, & lubrica; numerosissimis ditatur lacertis: (b) Ab horum majori minorive copiâ aut tenuitate, meningis crassities inæqualis: plures inter processus, duos habet amplissimos fabricâ dissimiles dura mater: alter (*interseptum horizontale* quibusdam dictum) cerebro & cerebello interjectus, superiorem faciem chordis innumeris, pluribus nodis spectabilibus firmatam exhibet: (c) chordæ, robusto & nodoso principio, à margine foraminis *semiovalis*, quod est in centro *intersepti*, assurgunt; bino, terno, quaternove internodio distinctæ sibi quæ invicem alligatæ, insensibili flexurâ hemisphæriorum inseruntur involucris: (d) *Intersepti horizontalis* facies inferior tota ferè caudicis soboles est. (e) Caudex quartus tendo, falcis antagonista, ex posteriore magni foraminis cranii margine oritur latâ basi: Corpus est crassum breve ligamentosum, intortis constans funiculis: infra quartum sinum rectâ vix assurgit: supra cerebellum inflexus finditur in duas partes: harum processus lati, tennes, circularesque, *horizontalis intersepti* faciem obducunt. Alter duræ meningis processus, falx, nonnullis tendo *falcatus*, (f) cerebrum, ad usque callosum corpus, secat in duo hemisphæria: exteriorem huius faciem compingunt pyramidales lacerti, spissiores longioresque in parte posticâ, in anteriore rariore brevioresque: Variè inferiùs irretiuntur, superiùs exporrecti, feruntur ad hemisphæriorum involucria. Denso fibrarum ordine contextitur *falcati* tendonis facies interior. Fibrarum excursus ab apice ad basim ferè æqualis, à summo falcis dorso ad extremum ejusdem limbum parallelus: Transversalibus fibris ab extremâ coni insertionē discedentibus arcuatim, hinc inde firmatus, in *interseptum horizontale* terminatur, (g) nec ab hemisphæriorum involucris emergentes, utrîmq; lateraliter unum, bini tendones prætermittendi: tenui, gemino interdum principio nascuntur; crassiores facti, feruntur deorsum, & infra laterales ossis *sphenoidis* processus oblitterati desiguntur (h). Noti sunt canales quatuor insignes in crasse meningis processibus insculpti. Sagittalis dicti cavum validis funiculis, processibusque membranaceis oblique secatur. His submembranulis latitant glandulæ *pachioniana*: ex glandulis emergunt excretorii tubuli, qui vasculis fibrisque à durâ matre oriundi sociati, piæ meningi implantantur. An ex his tubulis extillans lymphæ cerebri cortici interiorique duræ matris superficiei humectandis, an diluendo sinûs sagittalis sanguini, res adhuc sub iudice (i). Miranda sanè cerebrum vestiētis musculi structura; stupenda cerebri & cerebelli fabrica. Utriusque substantia cinerea & alba vasculosa est. Cerebrum medullæ oblongatæ, instar tuberis, insidet. Sustentatur, non à corpore calloso, non à fornice, sed ab inter medio duræ matris processu; falcis ope cranio veluti suspenditur. (k) In cerebro & cerebello reperiuntur variæ magnitudinis anfractus, ventriculi, fornix, rimulæ, septum, protuberantiæ. Pultaceam hanc substantiam motui aptam esse divinaret quis? Ne suspicaretur quidem: moveretur tamen, moventur & meningēs.

(a) Pachionius loco citato.

(b) Idem, ibid.

(c) Idem, ibid. Willis c. 3.

(d) Pachionius, ibid.

(e) Idem, ibid.

(f) Idem, ibid.

(g) Idem, ibid.

(h) Idem, ibid.

(i) Bononienses Academici.

(k) Pachionius ibid. Ridley: Anatomia cereb. c. 1. & 3.

**C**EREBRUM motu carere, Antiquorum & Willisi erat erratum. Neotericos si interrogaveris, nil in cerebro perspicuum magis quam ejus intumescentia & coincidentia. (a) Utraque autopsiâ & tactu deprehenditur: utriusque conspiciendâ copiam faciunt in brutis, sectiones, in hominibus magna cranii portio detracta, propter insignem capitis læsionem: utriusque tactu percipiendâ, manus admota sagittali sururâ, recens natorum, ubi coronaria occurrit. Ut meningis motus pro cerebri motu habeatur, ne verere: incisa durâ matre, perseverante motu, extrâ meningem cerebrum protruditur. In cerebri substantiam adacto cultro, motus augetur; major minorque persentitur, prout fortius aut debilius pulsant arteriæ, remissior aut intensior respiratio est. (b) Dubium adiment omne singularum externæ cerebri superficiei circumvolutionum insculpta profundè cranio vestigia. (c) A motu cerebri pendere tum duræ meningis, tum sinuum ejus pulsationem, sunt qui credant: jure, an injuriâ, ex eâ quæ profertur motus causâ judicare est. Quidam arteriarum multitudini per cerebrum dispersæ, motum cerebri, duræque matris acceptum referunt. (d) Cerebrum, (quis nescit?) arteriis constat: sed arteriæ conicâ figurâ destituta, saltem antequam tubuli medullares fiant, ut sanguinis, sic pulsationis expertes sunt. (e) Quæ varios anfractus cerebri penetrant arteriæ, pulsant quidem, at cerebri molem propterea attolli, aut duram meningem quæ turget arteriis, motum ab arteriis cerebri mutuari suum, quis credat? Moveri crassorem meningem partim à cerebro, partim à suis arteriis partim à sinubus, sagittali & lateralibus præsertim, alii autumant. (f) Partes quæ calvariæ non adhærent intrò foras propelli, dum convexa cerebri pars intumescit, foris intrò dum detumescit, adeo perspicuum asserunt, ut de his ambigere posse neminem putent: (g) partes impulsus suscipiendi capaces, dum arteriæ indefinenter pulsant, immotas manere posse, negant: sagittalis & lateralium sinuum systolem diastolemque vicinis partibus communicari affirmant: sinuum dilatationem arteriarum sanguini hûc appellenti acceptum referunt. Hi propius videntur ad verum accessisse, rem tamen nondum attingisse: motus, qui crassæ meningi obigit ab arteriis, pulsatilis est, & in quibusdam punctis tantum micat. (h) Illa vis arteriarum, non magis duram matrem, quam arteriæ brachii, brachium movent: de sinubus idem omnino sentiendum: etsi nonnulli sinuum sagittalem subeant arteriæ, (i) non ideo pulsant sinus: iis dilatandis sanguis adveniens sufficit; arteriosus sit, an venosus, perindè est: Vi propriâ cordis æmulâ contrahuntur, Sinus systoli forte favet dilatatio duræ matris à tume-

(a) *Fronotus Epist. ad Pacchion. Vios. Ridl. c. 6. Pacchion. dissert. Ep. ad Roman. Acad.*

(b) *Fronotus. Ibid.*

(c) *Viossenti. c. 6.*

(d) *Rid. ib.*

(e) *Malpighius. Verheyen de Cerebro.*

(f) *Viossenti.*

(g) *Idem. ib.*

(h) *Haglivius de fibra matrice. L. I. c. 5.*

(i) *Viossenti. Pacchionus.*

facto cerebro. Ut ut sit, vicinæ partes corrugantur fortè, dum sinus dilatantur; sed ille motus non est is qui sese offert sublatâ cranii parte: totâ suâ mole attollitur. meninx, Hallucinationi præbuit anam non cognita cerebri turgescentiæ causâ. Dura mater quasi cor cerebri: cor musculorum princeps, non ultro semetipsum dilatat, non ultro se contrahit: sanguine distenditur: structurâ debet suâ quòd contrahatur. Sic sentias de meningibus. Sui sunt cerebro, suâ duræ meningi motûs instrumenta, suâ sunt utrique motus causâ.

## III.

**I**NTUMESCENTIÆ & coincidentiæ cerebri causas rimantî, nullâ præter aërem occurret. Quâ viâ cranii compagem osseam, cerebri tubulos, aut anfractus, aut ventriculos subeat interrogabis? quî tenerimam cerebri substantiam inflare possit, eâ manente integrâ, quæres anxius? Hæc ut solvam dubia, non aëris substantiam. quadringentiis milliès tenuissimo capillo tenuiorem objiciam (a) non ad aërem sanguini in arteriis permixtum, (b) non ad substantiam ab aëre separatam (c) confugere juyat. Non aëris ductus, per cuiusvis plantæ partes, radices, truncum, ramos, frondes, flores, fructus, semina; per membranas sub ovi putamine positas; per singulas quorundam insectorum partes, commemorabo: (d) patulos canales aërem ad cerebrum ducentes afferam; in ore, naso, & auribus vias esse aëri ad cerebrum patentes, suadent ichor, sanguis, pus è cerebro prædeuntia; probat recens anatome (e) in submerfis cranium inter & duram meningem aqua penetrat. (f) Illuc quidni transit aër? Per aures admissus, quò se recipiat, nondum liquet: motui duræ matris, fortè faver, fortè ad ventriculos usque per ignotos tramites deferatur. De Ventriculorum usu decertarunt huc usque Anatomes peritissimi. Cavernam hanc spirituum animalium officinam dixere veteres. Quam dispar officium huic ab omnibus penè recentioribus tribuitur! His excipiendo humori cuidam excrementitio, aut in excrementum cessuro, videtur sentina. Inolevit prior sententia, altera stare non potest. Ut spiritus animales, præter succum nerveum agnoscit nemo; sic excrementitium humorem è corpore calloso stillare, commentum. Forfan ex Glandulis plexus *choroidalis* in hunc specum depluit excrementum aliquod foras amandandum? Quam magni patent hiatus ad Tenuis lymphæ Guttulam, cui canaliculus sufficiat! (g) In his tamen reperitur lymphæ; esto: verùm hæc à lymphæ communis naturâ longè discrepat. Lymphæ communis, si tentetur igne, plus minùs concrefcit: ventriculorum lymphæ in bullas non attollitur, nedum concrefcât; (h) tota, adeo tenuis est, in auras vaneſcit. Idem ergo dixeris aëream, sive aërem tenuissimâ lymphâ imprægnatam

(a) Bellini in *Epistolis Ephemeridum italicarum ad Valisnerium*.

(b) Pacchion. *diſſert. Ep. ad A. d. Ben.*

(c) Bellini de *motu cordis* prop. octava & nona.

(d) *Id. ibid.*

(e) Pacchion. *ibi*, *Walsava tractatu de aure humana* c. 11. n. 14. *Bibliotheca anatomica aſſerens* Tom. 2. pag. 170

*Fracaſſatus Epistolâ reſponſorâ ad Malpigh. Verheyen tractatu* 4. c. 6.

(f) Pacchion. *ibid.*

(g) Fracaſſatus *Ep. ad Malpigh.*

(h) Bellini. *ibid.*

illuc aëri, saltem per processus mamillares, est aditus. Haud dubio experimento res confirmatur. Insufflatus aër in tubulum processibus papillaribus aptatum, ventriculos, totamque cerebri molem attollit, & ad infundibulum penetrat: infundibulo aptetur tubulus, aër in omnes ventriculos adigitur, totum cerebrum inflat, & per processus mamillares egreditur. (a) Ecce tibi cerebri motus causa tamdiu qualita. Inspirationis tempore, in pulmonis bronchos & antra cerebri aërem intrare, expiratione regeri, vero proximum videtur. Hinc terebram passi, cum spiritum retinent, stat dura mater; cum ducunt, attollitur. Verum audi, rem pandam ab origine. Ubi primum satus editur in lucem, aër statim in ipsius pulmones, per tracheam irrui, cerebri quoque subit ventriculos per processus mamillares: hujus ingressui nihil obstat; pulmones nullo compressos aëre, tanquam in machinâ *pneumaticâ* positos, ventriculos cerebri vacuos nanciscitur: his in locis rarefcit propter calorem; pulmones inflat, sternum & costas pellit sursum; subleuat cerebri substantiam; aëris nimium rarefacti minuuntur vires: pectus coarctatur musculorum contractione; cerebrum durâ, præsertim, meninge comprimitur; angustantur pulmones & ventriculi: pars tantum aëris ex vesiculis pulmonum, & ex cerebri speluncis exploditur: aëris expulsi locum novus aër tentat occupare; externo graviore cedit internus laxior; tumet iterum pulmo; tumet cerebrum; contranitentes potentie resiliunt; et sic porro ad extremum usque vitæ terminum. Ergone dilatata dura meninx vim non habet se restituendi?

## I V.

**N**ULLUM corpus propriâ vi à sede suâ divelli potest, aut exporrigi. Cor à sanguine dilatatur, pulmones ab aëre, Thorax à pulmonibus, meninges à cerebro, cerebrum ab aëre. Corporum *Elasticorum* ea vis est, ut elongata se contrahere nitantur, & in pristinum statum redire, victaque vicissim vincere gestiant. Omnis fibra contractilis est: omne corpus fibrâ contextum pro variâ fibrarum suarum vi, atque texturâ, majori vel minori *Elasticitate* donatur. Alium in tenui meninge præter dilatationis & contractionis motum, ne quæsieris: sed brevi laceraretur, rueretque ventriculorum adificium, nisi & illa, & cerebrum blando crassioris amplexufulcirentur, elaboratissimam verò plurimæque artis duræ matris fabricam cogita: contemplare nerveas fibras, varios fibrarum ordines, lacertos, filamenta, nodos: meditare varia ipsius segmenta, tantò robustiora, quanto majoris ponderis habent corpora sublevanda: perpende tendones antagonistarum musculorum fungentes officio: reputa *inter se præ horizontalis* texturam, & falcis robur; crassamque meningem totam ad motum comparatam esse, nec non inter musculos reponendam ultro concedes. Quid enim ad simplex integumentum tot motus instrumenta? (b) Hæc quadruplicis generis motibus inserviunt; dura meninx enim ampliatur, coarctatur, attollitur, deprimitur, (c) tumet cerebrum, distenduntur meninges: ha-

(a) Fracassatus. ibid. Biblioth. anat. ib.

(b) Willis de cerebro. c. 6. Verheyen tractatus 4. cap. 4.

(c) Pauchon, ad Fontanum, dissert. Epist.



rum elongatæ fibræ redeunt ad se, comprimunt cerebri cerebellique *peripheriam*, fucci nervei secretionem juyant, ex cerebri ventriculis aërem per processuum mamillarum foramina, utrique nari respondentia, foras explodunt. Jam tenes duo priora motus genera, utrique meningi communia. Duo posteriora segmentis crassæ meningis propria sunt. Cum aëre instantur ventriculi, sursum fertur cerebrum; falx, *interseptum*, cui adhæret, secum trahit: ne altius assurgat *interseptum*, vetat *caudæ* falcis antagonista, trahi se patitur; & vicissim trahit falcatum tendonem: comprimitur interea primum cerebri basis, deinde cerebelli superficies. Vide'n quàm perbellè dura meninx muscoli viçes obeat: non tamen motum habet à se ipsà: priùs mota, movet se, aliorum musculorum more. Sicne ipsi nimium tribuitur, nec parcius. Sic jam dudum de ejus motu nata inter Anatomes subtilioris cultores jurgia componuntur.

## V.

QUEM tribuimus duræ meningi motum metis niti conjecturis ne obicias: hanc moveri fatentur omnes in rebus Anatomicis versati. Hi quidem, hoc, alii alio modo: non pauci motu proprio & muscolari. (a) Hujus cranio pluribus in locis adhæSIONES motui quem agnoscimus, officii existimas? Perperam: validæ meningis contractioni in *sternutatione*, vomitu, & spasmodicis affectibus fieri solitæ, (b) cur non officerent. At non nunquam tota cranio cohærens, urgebis, inventa est: non nunquam etiam discedens à cranio cerebrum adeo compressit, ut hinc & inde vi dimota, illico rediret undè ducta fuerat (c) in utroque casu res contra naturam. Cæterum ne cum cranio coalesceret meninx, hujus extima superficies glandulis scaret & (d) lympham sudantibus: igitur cranii facies interior, & duræ matris exterior irrorantur jugiter. Ibi quoque aërem interponi suspicari fas est. Suspenditur ergo potius crassa meninx, quam adhæret cranio, si basim hujus excipias. Firmissime alligatur vertici & occipiti: versus frontem, & prope coitum suturæ coronalis cum sagittali, laxiori nexu jungitur: circa tempora & utriusque sincipitis flexurarum pluribus in locis libera est: posteriores cranii laterales fossæ ab adhæSIONIBUS, ut plurimum immunes reperiuntur: *interseptum horizontale* interiori jungitur cranii *peripheriæ*, ossi *sphenoidi*, atque internis ossis petrosi processibus: reliqua ejus *expansio* flexibilis est. Falx cristæ galli, acuto principio figitur immota: ejus basis *intersepto* laxius cohæret: in dorso mobilis distat ab osse; *caudæ*, ubi faciem internam *intersepti* attingit, laxior evadit. Ne credas, igitur varias ob adhæSIONES, moveri non posse meningis partes adhæSIONIBUS liberas, aut suspensoris tantum ligamenti cranio ipsas. Struaturæ ipsius credas; credas oculis; credas tactui; credas peritissimorum anatomicorum testimonio. Dissident: non demotus, sed de motus causâ. Hic insitam duræ meningi diastoles systolesque vim in cerebrum agere comminiscitur. (e) Ille cere-

(a) Pachianus, Bononiens. Academiæ. Haglivi.

(b) Willis. c. 6.

(c) Pachion. diss. Ep. ad Acad. Bon.

(d) Lierre Mémoires de l'Académie. Pachion. Fente.

(e) Haglivini.

bri motum, quem sibi fingit ab arteriis proficisci, impressum duræ matri jactat. (a) Alter moveri crassiores meningem partim à cerebro partim à suis arteriis & sinibus : (b) alius cum aëre, cerebri ventriculos subeunte, adjutrices causas conquirat : (c) hærent omnes in iisdem scopulis. Solum aërem movendo cerebro sufficere, experimentis evincitur. In ovibus & cervis facta tantum experimenta argues ? Non ideo reprobanda. In hominibus & brutis processus papillares flatum ad ventriculos deducunt : in his & illis idem cerebrimotus ; motum illum excitat aër per processus mamillares immisus ; ab aëre moveri cerebrum non concludit ? Non potest inflari cerebrum quin meninges ampliuntur, ergo, inquires, eadem cerebri & meningum motus causa. Aërem dici communem cerebri & meningum motus causam, nil vetat : nullus musculus movetur à se, ita nec dura meninx. Hæc vi sua se contrahit, cerebri cerebellique superficiem & ambitum comprimit instar muscoli. Ergo duræ meningis motus à fibrarum suarum elatere.

- (a) Ridley.  
(b) Vieussens.  
(c) Fascionum.

*Ergo à diversâ causâ moventur cerebrum & dura meninx.*

## DOMINI DOCTORES DISPUTATURE

M. Henricus-Franciscus Bouv- delin.	M. Robertus-Hubertus Linguet.	M. Joannes-Baptista-Thomas Martineq, Chirurgiæ Gal- lico idiomate, Professor.
M. Antonius-Joannes Daval.	M. Achilles-Franciscus Fon- taine.	M. Franciscus Pouffe.
M. Otto-Casimirus Barfoknecht.	M. Joannes-Baptista-Ludovicus Chomel, Rei Herbariæ, Pro- fessor designatus.	M. Thomas-Bernardus Ber- trand Pharmacis Professor.

Proponebat Parisiis, CAROLUS DIONIS, Parisinus ;  
Baccalaureus Medicus, A. R. S. H. 1737. à sextâ ad meridiem.